

Na osnovu člana 23. i 55. Statuta općine Ilijaš – prečišćeni tekst (“Službene novine Kantona Sarajevo”, broj: 20/09), člana 1. i 2. Odluke o stipendiranju i nagrađivanju izuzetno nadarenih učenika i studenata (“Službene novine Kantona Sarajevo”, broj: 13/10) i člana 3. Pravilnika o stipendiranju i nagrađivanju izuzetno nadarenih učenika i studenata - prečišćeni tekst (“Službene novine Kantona Sarajevo”, broj: 2/16), na prijedlog Općinskog načelnika, Općinsko vijeće Ilijaš, na svojoj 12. sjednici, održanoj 28.09.2017.godine, donijelo je:

PLAN

stipendiranja izuzetno nadarenih učenika u srednjem i studenata u visokoškolskom obrazovanju u školskoj 2017/2018.godini

Član 1.

Godišnjim planom stipendiranja učenika i studenata planira se broj stipendija koje će se dodijeliti i ukupna budžetska sredstva potrebna za stipendiranje izuzetno nadarenih učenika i studenata u visokoškolskom obrazovanju u školskoj 2017/2018. godini, i to:

a.) Srednje obrazovanje

R/B	Razred	Broj učenika	Pojedinačna stipendija za jedan mjesec KM	Iznos ukupno potrebnih sredstava za jedan mjesec	Iznos ukupno potrebnih sredstava za devet mjeseci
1.	I	25	50,00	1.250,00	11.250,00
2.	II	15	50,00	750,00	6.750,00
3.	III	15	50,00	750,00	6.750,00
4.	IV	10	50,00	500,00	4.500,00
UKUPNO	-	65	-	3.250,00	29.250,00

b.) Visoko obrazovanje

R/B	Godina	Broj studenata	Pojedinačna stipendija za jedan mjesec KM	Iznos ukupno potrebnih sredstava za jedan mjesec	Iznos ukupno potrebnih sredstava za devet mjeseci
1.	I	25	100,00	2.500,00	22.500,00
2.	II	20	100,00	2.000,00	18.000,00
3.	III	20	100,00	2.000,00	18.000,00
4.	IV	20	100,00	2.000,00	18.000,00
5.	V	15	100,00	1.500,00	13.500,00
6.	VI	2	100,00	200,00	1.800,00
UKUPNO	-	102	-	10.200,00	91.800,00

c.) UKUPNO

R/B	Korisnici	Broj stipendija koje se dodjeljuju	Iznos ukupno potrebnih sredstava za jedan mjesec	Iznos ukupno potrebnih sredstava za devet mjeseci
1.	UČENICI	65	3.250,00	29.250,00
2.	STUDENTI	102	10.200,00	91.800,00
	UKUPNO	167	13.450,00	121.050,00

Planirana sredstva za stipendiranje izuzetno nadarenih učenika i studenata za školsku 2017/2018. godinu iznose: **121.050,00 KM.**

Član 2.

Ukoliko iz određenog razreda ili godine studija nema dovoljan broj kandidata koji ispunjavaju kriterije iz člana 1. i 2. Pravilnika o stipendiranju i nagrađivanju izuzetno nadarenih učenika i studenata, stipendija će se dodijeliti učeniku ili studentu koji ispunjava kriterije, pri čemu bi prednost imali učenici viših razreda ili studenti viših godina studija.

Član 3.

Gramatička terminologija korištena u ovom planu podrazumjeva uključivanje oba pola.

Član 4.

Ovaj Plan stupa na snagu danom objavljivanja u "Službenim novinama Kantona Sarajevo".

Broj: _____
Ilijaš, 28.09.2017.godine

PREDSJEDAVAJUĆI
OPĆINSKOG VIJEĆA

Mahir Dević, prof.

O b r a z l o ž e n j e:

I- Pravni osnov:

Pravni osnov za donošenje Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2017/2018.godini sadržan je u članu 23. Statuta općine Ilijaš, prečišćeni tekst («Službene novine Kantona Sarajevo», broj: 20/09) koji definiše da općina Ilijaš u okviru samoupravnog djelokruga, a u skladu sa zakonom kojim se uređuju pojedine oblasti obavlja naročito poslove osiguranja uslova za poštivanje i zaštitu ljudskih prava i osnovnih sloboda u skladu sa ustavom i osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu. Članom 55. Statuta općine Ilijaš propisane su nadležnosti Općinskog vijeća za donošenje akata i drugih propisa, njihovo autentično tumačenje i utvrđivanje prečišćenog teksta.

Članom 1. Odluke o stipendiranju i nagrađivanju izuzetno nadarenih učenika i studenata («Službene novine Kantona Sarajevo», broj: 13/10) utvrđuje se mogućnost stipendiranja i nagrađivanja izuzetno nadarenih učenika i studenata na području općine Ilijaš u skladu sa potrebama za školovanjem stručnih, deficitarnih kadrova. Član 2. iste Odluke definiše da pravo na stipendiranje i nagrađivanje imaju izuzetno nadareni, redovni učenici srednjih škola i redovni studenti visokoškolskih ustanova.

Član 3. Pravilnika o stipendiranju i nagrađivanju izuzetno nadarenih učenika i studenata, prečišćeni tekst («Službene novine Kantona Sarajevo», broj: 2/16) propisuje da Općinsko vijeće na prijedlog Općinskog načelnika donosi Plan stipendiranja izuzetno nadarenih učenika i studenata za jednu školsku godinu.

II- Razlozi za donošenje Plana:

Programom rada Općinskog vijeća Ilijaš za 2017. godinu u mjesecu septembru planirano je donošenje Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2017/2018.godini kako bi na vrijeme mogli objaviti Konkurs za stipendiranje učenika i studenata.

III- Obrazloženje pravnih rješenja sadržanih u Planu:

Članom 1. planira se broj stipendija koje će se dodijeliti i ukupna budžetska sredstva potrebna za stipendiranje izuzetno nadarenih učenika i studenata u visokoškolskom obrazovanju u školskoj 2017/2018. godini

Članom 2. ostavlja se mogućnost da ukoliko iz određenog razreda ili godine studija nema dovoljan broj kandidata koji ispunjavaju kriterije iz člana 1. i 2. Pravilnika o stipendiranju i nagrađivanju izuzetno nadarenih učenika i studenata, stipendija se može dodijeliti učeniku ili studentu koji ispunjava kriterije, pri čemu bi prednost imali učenici viših razreda ili studenti viših godina studija.

Član 3. sadrži odredbu o ravnopravnosti polova na način da korištena gramatička terminologija podrazumjeva uključivanje oba pola.

Članom 4. utvrđuje se stupanje na snagu Plana.

IV- Finansijska sredstva za provođenje Plana:

Finansijska sredstva za provođenje Plana obezbijedit će se u Budžetu Opštine Ilijaš za 2018.godinu.

Predlagač Plana je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10 i 18/15/.

Obrađivač Plana je Služba za društvene djelatnosti Općine Ilijaš.

Predlažemo Općinskom vijeću Ilijaš da Plan stipendiranja izuzetno nadarenih učenika u srednjem i studenata u visokoškolskom obrazovanju u školskoj 2017/2018.godini donese u dostavljenom tekstu.